

集部

行詔條政之善惡唯臣所擊素不更練兼之昧愚一 任職使府雖有官業不親治人及登朝二任皆參臺閣 月日到任上記誠惶誠恐頓首頓首臣某自出身已來 臣某言臣奉某月日敕旨自某官授臣黄州刺史以某 欽定四庫全書 樊川集卷十二 黄州刺史谢上表 正奉朝謁令者蒙恩權授刺史專斷刑罰施 典川集 杜牧 撰 自

刺舉號為稱職治古之風廢俗吏之課高於此時循吏 漢光武明帝稱為明主相繼聯續五十年當時以深刻 衛殿任延王景魯恭劉寬陳龍之徒上 耗謹奉貢賦不為罪惡臣雖不肖亦能守之然臣觀東 之側雲夢澤南古有夷風今盡華俗戸不滿二萬稅錢 徇時俗自行教化唯德是務愛人如子廢鞭笞責削之 才三萬貫風俗謹朴法令明具久無水旱疾疫人業不 縣宰獨能不

敏定四庫全書

到任憂惕不勝動作舉止唯恐罪悔伏以黄州在大江

難 シュンコロンニュ 自陛下即位已來重罪不殺小過不問普天之下蠻貊 擒之此實恩澤慈爱入人骨髓俗厚風古不可搖動今 治古之人以一時之法齊之即一時之人國家自有天 葢人為治古之人法為一時之法以治古之教教之即 徇古非今王者公侯尚難其事豈一縣宰能移其俗此 文用忠恕撫字之道百里之內勃生古風凡達泉背時 **卜已來二百三十餘年間專用仁恕每後刑罰是以内** 外難作者相繼土地甲兵權柄號令盡非我有終能 樊川集

然豈材桁之能及無任感激悃懇血誠之至謹奏 必以情怒孤獨鰥寡必躬問撫庶使一州之人知上 於此際為更長之敢不遵行國風彰揚至化小大之 為瑞為祥為歌為詠以裡盛業流乎無窮在臣心之 **阨無不歡戴十四聖之生育張二百四十年之基宇臣** 仁聖天子所遣刺史不為虚受烝其和風感其歡心庶 進撰故江西韋大夫遺爱碑文表 有 則

金万四月五書

|邦有惟艱凶一皆存恤聖明睿哲廣大慈紀遠僻

其衣食渤海賴川之治召父社母之恩校之於丹未及為 榮為懼伏以 洪為州府逾於千年言念疲贏常 患水火風 臣官甲人微素無文學思生望外事出非常承命震驚以 反掌是以兵刑措寢年穀豐昼而猶念切疲人及於循 伏惟皇帝陛下陟降順帝施設如神納諫若轉九去 特建宏謀凡三年苦心去 干歲大思無之灌溉種時帶 臣奉其月日敕牒令撰故江西觀察使幸丹遺愛碑文 如此改革無因韋丹受朝廷分憂為百姓去弊不踐舊

大王日野 八十

樊川集

曲 臣者最為鄙陋明命忽臨牢讓無路俯仰慙懼神魂驚飛 金牙巴西白書 次述章丹在任為治之功事必直書辭無華飾所冀通衢 臣不敢深引古文廣徵樓學但首叙元和中與得人之盛 吏 想個血誠之至其碑文本謹隨狀封進以聞謹奏 被之恩私如生羽異報非次之拔握宜裂肝肠無任感 建百姓日觀事事彰明人人晚會但率該撲不近文章受 是宜使內直學士西旅群臣振發雄文流傳後代至於 緬韋丹已效之績慰江西去思之心特與彰揚創為碑 東十

家之為治也溢三皇之軌躅奮百代之上下天寶之末天 神功超今越古某月日臣某等於延英殿面奉徳音陛下 **山鏁七閼地開千里歌狸首而息射該杖杜以勞旋聖徳** 臣某等言伏以收復河湟廓開土字北絕梓嶺西遇榆溪 以尅定舊疆獲成先志歸功祖考追尊鴻名臣等伏念國 下泰寧特富庶而醉飽無虞韜干戈而兇逆潜作大歷貞 中夏起塞之雄奪西戎理弓之地至使强虜不敢觸鋒 為中書門下請追尊號表

欽定四庫全書] 野親莊正之人去側娟之士然後提挈綱紀震叠雷霆 伏惟元和之初實開中與之業伏惟聖敬又思和武光孝 惟憲宗皇帝順上帝之心酌列聖之法爵不踰等舉不失 無極詩曰恵我無強子孫保之復曰周雖舊邦其命維新 誅夷犀完酒掃四海百度如律儿功可歌天業益張聖統 子劉嗣書主東據石頭西斷劍閉朝廷所有唯止兩京伏 臣茍且之今行畫一之法廢月增日長雄唱雌和李錡宗 元之際河北河南之地朝廷行姑息之政郡國皆叛亂之

是以百姓手足好安於措置四海風俗益臻於 盡下首雪冤獄常對法官是則虞舜恤刑文王慎罰無以 馬以愚夫能勝予是仲尼之好問大禹之拜言無以過 皇帝陛下修先王之大道行天下之達德廣問延陳褒直 事不言皆複甄升直唯假借夫仲尼以三人有我師大 湯銘 日日 夜觀書日景聽政下採人病上求天瑞帝典曰聖敬 也開張聰明延納諫部守職業者無職不舉被言責者 Ð 新是陛下之德有以過之仲尼曰馬立三 和平尚猶 Ð

|飲定四庫全書 惟聖敬文思和武光孝皇帝陛下畜客等於霄漢之表盡 **壘言言而洞** 泉枝射之兵親自指蹤同時受命信星致社靈旗呈祥壁 聖謨於造化之先補盗将軍射聲校尉羽林突陣之騎酒 不充四海輸賦養兵不足廣川薦草盡為所有健兵俘馬 自古無之包有引弓之人盡為跨馬之國天下獻力備邊 年百姓以仁仰陛下之至理知孔聖之可驗夫西戎强威 不可當鋒雖李廣才能充國沉勇但能閉壘豈敢交終伏 開渠魁纍纍而自縛解賴削在投及委弓퉦 人

周公其達孝子盖以善於繼述能光祖考今者陛下謙讓之 為而不有歸功先帝禮曰天子有善上讓於天仲尼曰武王 戈以恩信為疆場所求必至 有開心先不遗一 矢不頓一 鬼方三年乃克尚書班史稱德詠功今陛下用仁義為干 刃 但成重散呼冠带破種徒城空漢都逸指北海而封然然 **冯城而立幕府鄭吉之理烏壘班超之鎮馬者大庇生** 宽天下音漢武帝之邊匈奴四海耗半般高宗之伐 八里旰食之恨雪百年亡地之盖小稚盡與大業無 獎川东

黨等伏以湖湘早耗百姓饑荒遂有奸免敢圖嘯聚今承 |欽定四庫全書 使生伏惟聖收文思和武光孝皇帝陛下威極風霆德滋 兩漢之盛姦先亂常之類挺災構逆之黨乗問即有遇條 擒滅己盡根株臣等誠惟誠計頓首頓首臣聞三代之英 臣某等言伏見湖南團練使奏生擒衡州草賊鄧裴及徒 謹具大 常追尊順宗皇帝憲宗皇帝益號如前伏聽敕古 道符於禮經繼述之孝稱於孔聖臣等待罪宰相日親昇平 賀生擒衡州草贼鄧裝表

嫡 由 雨 爾小孽敢因與食漸誘僟人剥亂 位台則日奉聖談無任打舞慶快數呼踢雖之至 用夷狄為四守統華夏為一家言念秋毫無非帝力臣等 虺党項已寧於朔北妖黨復珍於巴西今擒鄧裝一清 **措揮義使總齊武士仰憑審筽遠仗皇威不經咸時盡剪** 鉅冠牢或據深山或閉官道遂使湖顧之外人不聊生慎 露正開壽城盡納羣生水戰干戈將臻富庶逆賊鄧裝 謝 赐 御礼提舉選將表 無川 鄉問陵醫郡邑徒堅黨 湖

古望鏤肝膈專分防虞無任抃躍屏營之至 大禹不自满假比於聖德無以過馬臣等備立腹司親奉 贪或不事其兵食煩有戒勵形於詔書此乃周又小心克勤 能 今者尚以成選木得高抗深爱將即不副憂勤或但恣於侵 以陛下自 奉皮翰以選塞未静將帥乏才唯務誅求不謀兵食者伏 不如刃以收河湟用文語而降羌冠干戈偃最遠通安卓 謝 赐 即位己来正朝廷而舉典法肥天下而再屋生故 新絲表

奏誻 右 位 : ; 台席親逢城時無任踴躍歡 鄉 桑桑沃若蠶女功 於纂組言功之大與食多先陛下仁德動天雨 臣 中使某至奉宣聖古 某言伏以降 井 和今錫宴於仙祠 ļ 壽昌節宴 被 復皆偏於華夷盡荷皇慈同歌帝力臣等備 謝賜音樂 挺之辰生靈同爱合 勤 樊川县 晶 百 賜臣等 **儿凝** 辟 散村臣等幸生聖代獲 狀 新絲 抃感恩之至 霜紫如毒霧崩 者伏以詢蠶所繁 釣天之廣樂 税不 澤 備 逋 順

|飲定匹庫全書 臣 古 台陷雖欲殺身追酬大追無任感恩踴躍之至 占 人之腹殺身粉骨難酬聖主之恩臣無任感恩打躍之至 某言伏奉今月日制書除臣某官同中書門下平章 战奉成 命進退失圖捧的兢惶 酒 臣果等言伏以大慶吉辰祭雲錫宴鴻思繼至王人薦臨 名茶王食山果来於御府莫匪天慈適口总憂已滿小 謝賜茶酒状 装相公讓平章事表 卷十二 街恩戰慄臣誠惶誠

守於名郛自顧才能已是踰越陛下與遇不次拔推過 恐顿首頓首臣本書生仕逢聖代掌綸言於西掖作 並作名德森然或多歷庶官或皆有功實或四方屏翰 代天理物為人具膽豈伊小臣而膺大任今朝廷髦俊 推累受寵荣雖堪盡疲為欲神萬一而才智疎拙不效 分春聞典貢地官掌財咸無政能粗免機關及擢為筦 涓塵夫宰相之任前賢有言如涉川有舟如幽室有燭)著勲勞舉而用之無不可者如臣凡淺豈宜委任伏 野川佳

臣無尸禄之誚聖主有得賢之名非唯微臣獲安實亦 者仰承鴻澤跪捧芝緘戰越失圖改處無地臣某誠惶 乞俯迴天鑑更擇時賢必能丹青帝圖金玉王度使微 誠恐頓首頓首臣昨奉詔書付以魁柄自顧斗筲之器 臣某言臣伏奉今月日批答令臣宜斷來表不許牢 幸甚無任悃懇血誠之至 叉代謝賜批答表 乗恩寵時竊棟梁任只合效察謨堅臥孔

欽定四庫全書

右中使某奉宣聖古賜臣告身一通馬一疋并鞍轡臣 任感激血誠慙惶戰越之至 做臣之丹懇不遂誓當戮力盡率粉骨捐驅知無不為 重臨綸音再下不令徇志且遣守官大君之成命已行 以拜章上陳懇解自叙其迴聖鑑更擇時賢豈意香古 見死寧避冀答君親生成之德用酬乾坤覆育之恩無 **懇解尚猶拜謝天顏進見卿士崇春既積憂惶實深是** 又謝賜告身鞍馬狀

Da. 10 ... 1. 1.1

班川集

之至 荷乾坤之德殺身寧報撫已知慙無任感思抃躍懇悃 足騁權奇之態螢光爝火何神日月之明弱質孤根但 錫代勞之駿馬内棧之風雲尚隨寶軸煥絲綸之言逸 右舊例宰臣每於閣內及延英奏論政事及退歸中 幸臣盡書其日德音及宰臣奏事送付史館名時 論閣內延英奏對書時政記狀

金月四月子書!

生逢聖代稱位嚴戚奉告令之詔書丹霄之雨露猶

或忘同列之對若獻替之說或闕則史冊之書不詳臣 非 次定四五人言 一 右今月十八日中使某至奉宣聖古令臣領江西觀察 政記史官憑此編入簡策伏以敷陳時政承奉聖古事 與史氏便得直書伏乞天恩永為常式 今商量每間内奏事及延英對迴陛下所降德音宰臣 奏公事人自為記共成 端時移數刻退朝循省執筆讃論但記出已之辭 謝許受江西送絲絹等狀 典川集 一篇既得精詳必無遗漏付

恩隨幸至崇與利并於躍點惶罔知所措伏惟皇帝陛 使紀于聚所寄撰韋 具官臣某等言伏惟聖敬文思和武光孝皇帝陛下 身不勝感恩慙惶之至 實愧察邑今者更家恩私廣受絲帛捧戴兢惕無地容 西之績特令傚臣撰碑隨淚之思豈慙羊枯黄絹之妙 皇天縱聖赫日資明大獎功勞不計存沒舉章丹江 内宴請上壽酒 丹遗爱碑文人事綵絹三百疋者

老十一

覆地容堯仁舜孝四海波靜三春物華故於形庭大開 成行酌金罍以為勞屬饜而止飽德以歸既醉太平之 敢專擅伏俟德音輕瀆宸嚴無任戰越之至 風共樂仁壽之域千年一遇百辟同歡臣等備位台司 錫宴竊以三事大僚百司庶府願持玉巵上千萬壽未 具官臣某等言遲日正麗廣揚洞開張仙樂者三千餘 列正羞者二十六豆酒傾瑶甕食置雕盤列去組以 宴畢殿前謝辭

具官臣某等言叨陪錫宴竊覩釣天百品並陳三酒皆 勝抃躍感恩之至 具做臣所志已極滿盈豈意鴻澤重霑錫賽殊等朱綠 親同聖日歡呼抃躍不能自勝 玄黄之繒綵精金文錦之珍奇捧戴自天改處無地 **前件官執德以進嚮道而行藹有令名備歷清貫掌** 謝賜物狀 樂局敬復自代狀

欽定四庫全書

以南省實天下根本两丞為百司管轄尚非其選必致 近侍主鑰東門聲實益重於指紳磨涅始彰其堅白伏 伏准某年月日敕内外文武常參官上後三日宜舉 敗官今若以臣所任迴授敬復庶能肅清臺閣提舉 綱既曰陟明實不虚受伏乞天恩允臣所請 言於西掖才稱發揮參密命 自代者伏以前件官仁義素彰文學早著級歷臺閣 代人舉將係状 於内庭衆推忠慎自珥

宣昭令名嘗為諫官無所避忌及領藩鎮實惠疫羸項 與將係既不虚受實為陟明伏乞聖慈允臣所請謹狀 記書駁正時事職業實重選擇宜精令若以臣此官迴 者不附權臣例遭左官今逢明代猶典小州伏以封還 **欽定四庫全書** 巻すっ

欽定四庫人

全書禁川集卷十四

集部

詳校官監察御史臣查 莹

檢討臣何思釣覆勘

校對官助教臣胡予襄 總校官進士臣終 謄録監生 臣孔繼峰 録監生臣崔

琪

謄

堂

心百姓 樊川集 威德上 唐 日月光 而名垂今則未聞 兢兢 順 杜 徴兵伏以回 牧 明天紫益昌 而如無豈 撰 鷴

來漢南為羇旅之魂食草萊之實白髮驪騂之騎凋耗 與之首尾久戍則有師老費財之憂深入則有大寒家 之及時可以一戰令者度虜之計不出二者時去時來 廣川牧馬養習以俟強大此其二也今者徵中國之兵 種落人數非多校於突厥絕為小弱令者國破衆叛逃 **徊翔不决必有所在西戎已得要約伺其氣勢同為侵**]無連酪皮毳之資饑寒皆盡寄命瀚海藏跡陰山取 也心膽破壞馬畜殘少且於美水薦草暖日

欽定匹庫全書

卷十二

漢實大國也但其人不能辛苦爾此所謂避虚而擊實 北邊浩請討之曰蠕蠕恃其地遠自寬來久故夏則散 衆放畜秋肥乃聚背寒向暄南來冦抄令出其慮表掩 逃短而攻長至於後魏崔浩因見其理蠕鳙強盛屢犯 乳畜肥草壮力全氣盛與之相校勝少敗多故匈奴云 驅中國之人入苦寒之地此時匈奴勁弓折膠重馬免 敢以管見上干尊重自两漢伐虜皆是秋冬不過百日 换川集

墜之苦示戎狄之弱生奸傑之心令者不取恐貽後患

南北三千里凡所俘虜及獲畜産彌漫山澤髙車因殺 馬戀駒驅馳難制不得水草未過數日則聚而困斃可 蠕蠕種類歸降者三十餘萬落虜遂散亂帝公弱水西 布野驚怖四奔莫相收攝於是分軍撲討東西五千里 先勸窮追之不從後聞涼州賈胡言若更前行三日則 行至涿邪山諸大將慮深入有伏兵勸帝停止不追浩 一舉而減矣武帝從之及軍入境蠕蠕先不設備民畜

金定四庫全書 ■

其不備大兵卒至必驚駭星分向塵奔走牡馬護牧牝

舉無類必然之策今冰合防秋冰銷解戍行之已久虜 盡滅之矣帝深恨之以某所見令若以幽并突陣之騎 氣在中夏則熱到陰山尚寒中國之兵足以施展行軍 回鶻伏以點戛起於别種超為可汗必是英傑天時必 為長然出其意外實為上策議者或云化取點憂令討 於枕席之上翫冦於掌股之中輔轠懸瓶湯沃覞雪一 遠近十不一二 校蠕蠕回鶻之強弱猶如虎鼠五月節 酒泉教射之兵整飾誠誓仲夏潜發計陰山與涿邪之 ī 姓川集

武帝之求賢也有上書不足採者輒報罷去未當罪之 豈遺子孫伏惟太尉相公文德素昭武功復者畫地而 穀豐熟可以座玄玉於常山孑遺人於河壠顧兹殊冠 助賢材必用法令必明滅回鶻之後便是勍敵况示之 志之士無不願死伏惟特寬狂狷不賜誅責生死祭尚 故能羁越臣胡大興禮樂今太尉與仁聖天子同德有 兵形盡見按璅而邊事無遺唯一指踪即可掃跡昔漢 以弱必為所輕今者四海九州同風共貫諸侯用命年

鈒定匹庫全書

巻十二

強作者凶豎專地之請初陳聖主整旅之詔將下中 遠邇皆疑難攻蜂蜇螗蛝頗亦自負伏惟相公上符神 之眼带申十萬籍土五州太行夷儀為其扃關健馬強 朔戰國時張儀以為天下之脊建中日田悅名曰腹中 某啟伏以上黨之地肘京洛而履蒲津倚太原而跨 弓為其羽翼自逆黨專有僅及一世頗聞教育實曰精 無任感恩攀戀惶懼汗慄之至謹啟 ĭ 賀中書門下平澤路啟 與川集

宣謹啟 代某謬分符竹實由恩知慶快懽抃之誠倍百常品不 皇淮夷之師尅聞四歲校虜冠之強弱曾不等倫考攻 儒校窮天盡地皆為壽域之人赤子秀着共老止戈之 取之敗亡何至容易若非睿等英略借筋深謀比之前 難逃緩逾周星果梟逆首周公東征之役捷至三年憲 斷潜運廟謀仗宗社威靈驅風雲雷電掌上必取穀中 何遠出自此鞭笞及側灑掃河湟大開明堂再振

銀定四庫全書

卷十二

舊章魏相能明故事房杜不以求備取人不以已長格 **某啟伏惟相公上佐聖主獨專魁柄封殖良善修整紀** 周公焕發大猷邴吉陋案吏於公庭哀安不錮人於聖 明天下望之為準縋朝廷倚之為依據畢公克勤小物 盛德大功直筆實先於簡策清節細行視史不愧於神 綱練羣臣謹百職者功績聚名實大張公室盡閉私門 とこう 之衛將軍有長揖之客張子孺無謝恩之人吉甫率由 |白相公啟 樊川集

謹故 助養生之願百志皆成顋顒萬方實懸斯望某遠守僻 粉布墨畫小大錄參九角尖缺各盡其分皆當其任是 盡其才求於古人之賢皆集相公之德如以尺量刀解 物姚梁公先有司修舊法下位各得言其志百司各得 之老待哺之子不見兵戈不離抱撫清廟之祭四夷來 以庶人不議鄉校無言天下欣欣若更生者自此黄髮 左無因起居但採風謠亦能歌詠無任攀戀激切之至

動与四月在書

常切如家之憂每懷捷市之恥是以朝廷禮樂天下清 開心先是以傅吕得於夢卜申甫降於山嶽伏惟相公 某啟伏奉三月八日敕除尚書司勲員外郎史館修撰 任賛傑俊遂賢良調陰陽提紀律類能而使度材受官 传主乃用為時而生當考室構厦之時膺督繩削墨之 承命祭懼故處無地伏以聖主順上帝之則率四海以 -神化風行家至日見古先哲王之德也有求必至有 周相公改 其川山

睦州治所在萬山之中終日昏氛侵染衰病自量忝官 骨香迈遊魂言於重恩無以過此雖買臣懷敍郡邸蕭 重職當受震駭神魂飛揚撫已自驚喜過成泣樂內白 自污泥昇於霄漢却收斤銅令厠班行仍授名曹帖以 已過不敢率然請告唯念滿歲得保生還不意相公拔 朽之賤遭逢盛業三帶郡符自審事宜實以逾忝伏以 人商得元哲夢卜降嶽之得豈能逾馬某樸嫩之才糞 明人不凋傷神不怨恨萬物由道百度皆貞雖周獲仁

欽定匹庫全書

吏無不信順皆有程品猶尚不遺微賤特降 **某啟伏以相公自專魁柄一闡大猷鎮撫四夷訓導百** 血誠涕淚迸溢無任攀戀懇款之至謹啟 為元熟自有明神以相百禄固唯賤末報效無門感激 朝廷篤老四海俊賢皆因挈維盡在門館毗輔聖主魏 無以為喻言念微生難酬殊造伏以相公自數載已 鄭相公改 與川佳

育召拜扶風楊僕三

|組垂腰蘇秦六印在手校於策

誓無任攀戀感激懇悃之至謹狀 盡心接地際天日出月入盡得臣安無不謳歌蒼生願 願殺身詢於黄者之徒以為異事慰示天下長育人材 某啟伏以近日當州人吏往來及諸道賓客行過皆傳 颙實有所望某一 **魚頡鴻冥之潜丘中島上之隱皆可以結戀隨指效用** 淮南李相公狀 一門骨肉皆受恩知效命之誠瀝血 自

欽定匹庫全書■

卷十三

满幅榮耀闔門捧戴生光改處無地聞於白屋之輩皆

異政即達宸聰伏料窮邊絕塞將議息兵宣室明庭必 思舊德重秉鈞軸固在旬時某忝跡門牆不勝抃躍 泰史冊未聞編以聖上倚注既深相公勲業愈重况兹 無遺吏不敢欺法能必來上行下效家至户到問里安 業官者得用其能鰥寡孤惸飛沉動植仁煦必及惠愛 望棨戟下情無任戀結之至謹狀 相公以淮海之地炎旱累年仁憫之心憂念深切廣求 くこうこ 八瘼大革土風邮養痰嬴抑挫豪猾備職者思勵其己 7:15 樊川集

伸抑鬱誰訴每遇時移節換家遠身孤弔影自傷向隅 某啟人惟樸檄材實朽下三守僻左七換星霜拘攣莫 大君繼統賢相秉鈞遺墜心舉髦馬並作伏惟尚書秩 之骨肉當道每歎末路難循進退唯艱憤悱無告令者 獨泣將欲漁釣一壑栖遲一丘無易仕之田園有仰食 髙天爵德冠人倫為播紳之紀綱作朝廷之標表凡遊 門館莫非雋賢至於小人最為凡器項者幸以屬郡祇 上吏部髙尚書状 卷十三

多好四库全書

臨己秋榛吟鳥思草衰木墜黎侯寓衛有式微之詩趙 恩客敢望尊嚴特自褒舉手示遠降羈魂震驚感激彷 S. C. Dribe Listers 之地刳腸奉首之報今得之矣復何求焉江山絶域登 爱其死有以待也養其身有以為也是小人忘生殺身 雖闕下一召歲中四遷校其光崇不能踰越禮曰君子 徨涕淚迸落便無跛倚如生奶翰全忘鼠循忽欲鳥舉 事廉車奉約束而雖嚴滌昏蒙而無術實多機關每賴 王遷房創山木之詠流落多戚今古同塵廻望門牆 蛛川集

金好四月石言 某放某比於流輩疎澗慵怠不知趨嚮唯好讀書多忘 以貧苦焦慮公以愚恐敗悔仍有嗜酒多睡厠於其間 七年病弟孀妹百口之家經管衣食復有一州賦訟私 為文格甲十年為幕府吏每促東於簿書宴遊間刺史 戀唯積起居末由無任血誠懇悃之至 心百不逮人所尚業復不能尺寸錄两自強自進乃庸 是數者相遭於多忘格里之中書不得日讀文不得專 上刑部崔尚書狀

於文士才人之口與二子並無愧容伏恐機務殷繁不 相公長啟鋪陳功業稱校短長措於史記两漢之間讀 凡諸所為亦未有以過人至於會昌三年八月中所獻 某啟某比於流輩一不及人至於讀書為文日夜不倦 敢繕寫所為文凡二十首伏地汗赧不知所云謹狀 以為文而為其禮詩所謂有靦面目視人罔極者也謹 こう 人輩也復何言哉今者欲求為贄於大君子門下尚可 |安州崔相公啟

昨 调 服省覽今者竊敢再錄改本重于尊嚴付於史官而 亦豈為救饑寒之官乎中丞必曰大梁奏取韓以饑寒 誣懸於後代而不泯其於取重豈在小人復敢別錄所 為新舊文两卷凡 日所啟言韓拾遺事 越惶懼伏深伏惟照察謹故 不去夫幕吏乃古之陪臣以 **薦韓人**啟 十九首上陳視聽 老十三二 與韓求衣食救機寒也御史 、馬北面雖布

弘定四庫全書

遗之及門不開書緘而斥去之某比两府同院但見其 韓君於境上三畝宅两頃田樹蔬釣魚唯召名僧為侣 越乃棄産避之居常州殷儼者仰韓之道自閨寄百練 由建州妻與元晦同髙祖妹惡晦為人不省之及晦得 廉慎馬潔亦未知其道太和八年自淮南有事至越見 佐沈公江西宣城府罷唐扶中丞辟於閩中罷府歸 洛中非不樂梁也不甘不告之請耳韓及第後歸越中 之士亦宜訪其樂與不樂況有道之君子乎韓以旅寫 典川東

至許下厚禮辟之其為人也貞潔芳茂非其人不與遊 材有文學高名沒於越之府幕故不願復為越賔及髙 餘力究易嬉嬉然無日不自得也未嘗及身名出處之 非其食不敢食蕭舍人考功崔員外是超於韓交者某 語未嘗入公府造請與幕吏宴遊因此不為搢紳相所 復超於蕭崔二君子者即韓之去某其間不啻容數十 見禮蕭髙二連帥至即日造其廬詢以政事稱先人梓 人矣某安得知其賢而言之復不倦乎伏恐中丞謂韓

|欽定匹庫全書

求官以衣食干交朋者中丞初在憲府固宜慎選御史 雖至淺陋亦知不可以交友饑寒求清秩以干大君子 篇以為視聽之污伏以元和功德凡人盡當歌詠紀叙 者伏慮未審誠懇故此具陳本末伏惟照察謹啟 御史固非救饑寒之官某久承恩知但欲薦賢於盛時 某故某少小好為文章伏以侍郎文師也是敢謹貢 · •)故作熙将錄往年弔伐之道未甚得所故作罪言自 1.11 知己文章啟 樊川佳

一多定匹庫全書 賦雖未能深窺古人得與揖讓笑言亦或的的分其狀 六衛諸侯或恃功不識古道以至于友側叛亂故作與 艱難以來卒伍傭役輩多據兵為天子諸侯故作原 貌矣貞元四年來在大君子門下恭承指顧約束於政 名之故作送薛處士序實歷大起官室廣聲色故作 劉司徒書處士之名即古之巢由伊吕輩近者往往自 理簿書間水不執卷上都有舊第唯書萬卷終南山下 房宫赋有廬終南山下訾有耕田著書志故作望故園

冀有成立他日捧持 責生死幸甚謹啟 某敌某苦心為詩本求髙絕不務竒麗不涉習俗不今 今者所獻但有輕黷尊嚴之罪亦何所取伏希以 不古處於中間既無其才徒有其奇篇成在紙多自焚)今謹錄一百五十篇編為 獻詩啟 遊門下為拜謁之先或希 |握風捕影

爐頗有水樹當以耒 耜筆 硯居其間及齒髮甚壯

文三四日 八十三

樊川集

今者邊將生事雜 廣起找不憂兵甲唯在饋運某過承 前渭南縣令王寧前件官實有吏才稱於泉口年心 金为口酒石事 恩獎郵敢薦才伏惟取舍之間特賜恕察謹啟 也廉直可保四也處於驕将內臣之間必能和同五也 《鏤冰敢求恩知但希鎢琢冒黷尊重下情無任惶 也遇事必能裁割二也既蘊智能無頭角誇誕三 薦王寧啟 卷十三

某故人有爱某者言於某曰吏部員外郎例不為郡子 不可求假使己求慎勿堅懇至于再三答曰某雖不學 上宰相求湖州第一啟

懸之以為格言此乃急於進趨之徒自為其説若以言

者澶王傅李疑為鹽鐵使江淮留後豈曰無例人曰盧

例貞元初故相國盧公邁由吏部員外郎出為滁州近

事太遠季為權用此不足徵某曰不知今者視之古事

樊川集

按六典令式及諸故事多無此例國史復無賢相名卿

2 2.10 mot 1: 1.5

銀好四月全書 地口吏部員外郎不可為其刺史即是本末重輕顛倒 是盧公有一某有二與盧公所切復為不同仲尼曰雍 利小臣乃可吏部員外郎為之十萬户州天下根本之 者江准鹽鐵留後求利小臣校量輕重與刺史相懸求 以骨肉寒餓來守滁陽非如某以親弟廢痼寒餓仍之 引况前十五年名相故事友不足為例乎况盧公邁止 也可使南面今刺史古之南面諸侯行天子教化刑罰 在書取為今證遠自三代兩漢近至隋氏國初尚可援

貴驕多過凡有毫髮類心疏而言之後滴來州於倉惶 垂戾莫過於此某弟顗世胄子孫二十六一舉進士及 火上のまっていまして 盡能出之吾無今日李太尉在來州顗客居淮南牛公 中言於親吏曹居實曰如杜巡官爱我之言若門下人 第當為上裴相公書透壯温潤詞理傑逸賈生司馬遷 欲辟為吏顗謝曰荀麥為李膺御以此顯名今受命為 朱崖李太尉迫以世舊取為浙西團練使巡官李太尉 能為之非班固劉向輩亹亹之詞流於後輩人皆藏之 樊川东

遂血怨其喜也不下號太子詞語煩碎頻干尊重足及 金为口戶人 太子以其死而復生言懇莫若申包胥求救於秦七日 海内無也言於所傅聞亦未有也自古言喜莫若號國 幕府下執事御李膺矣然李公因謫遠地未願仕宦牛 七夜哭聲不絕某今懇如包胥但未哭廟若家恩憫特 有後進名士喪明廢棄窮居海上如顗比者今有一兄 仰以為命復不得一郡以飽其衣食盡其醫藥非今日 公嘆美之聰明雋傑非尋常人也某自省事已來未聞

去元和末酬償息錢為他人有因此移去八年中凡十 某啟某幼孤貧安仁舊第置於開元末某有屋三十間 徙其居奴婢寒餓衰老者死少壯者當面逃去不能呵 于親舊某與弟顗食野蒿藿寒無夜燭點所記者凡三 所容歸死延福私廟支拄歌壞而處之長兄以驢遊丐 軒闥神驚汗流不勝憂恐懇悃之至謹啟 **豎戀戀憫歎挈百卷書隨而養之奔走困苦無** 上宰相求湖州第二啟

文已四年(上)

樊川集

集劍南少尹姜沔喪明親見石生針之不一刻而愈其 蠟塞管蠟去管明然今未可也後一周歲脂當老硬如 塞瞳子名曰内障法以針旁入白睛穴上斜撥去之 弟于楊州禪智寺石曰是狀也脳積毒熱脂融流下葢 神醫也某迎石生至洛告滿百日與石生俱東下見病 暗無所想故殿中侍御史韋楚老曰同州有眼醫石公 御史分察東都顗為鎖海軍幕府吏至二年間顗疾眼 周歲遭遇知已各及第得官文宗皇帝改號初年某為

鱼与巴尼白雪

次定四重全書一 德汝復無罪其疾也豈遂痼乎然有石生慎無自撓其 盡心此即家也京中無一畝田豈可同歸遂如潯陽四 潯陽诉流不遠刺史之力也復可以飽石生所欲令其 下二百人此不足憂其年秋末某載病弟與石生自揚 白玉色始可攻之某世攻此疾自祖及父某所愈者不 月二日某於潯陽北渡赴官與弟顗決手哭曰我家世 春眼可針矣視童子中脂色玉白果符初言堂兄慥守 州南渡入宣州幕至三年冬某除補闕石生自曰明年 與川集

所得當同周老石少有衔甚妙似石不及某常病內障 州在京時詣今號州庾使君問庾使君眼狀庾云同州 顗同舟至斬其其年七月即歸京師明年七月出守黄 部員外郎之假往潯陽取顗西歸顗固曰歸不可議俟 有二 兄惟所之而隨之會昌元年四月兄惟自江守蘄某與 年四月石生施針九月再施針俱不效五年冬某為隱 愈于周手豈少老間工拙有異某至黄州以重幣 ,眼醫石公集是一也復有周師達者即石之姑子

金りゅうとう

卷十三

赤脉綴之者針撥不能去赤脉赤脉不除針不可施除 2 1.10 mm / 1.15 mm/ 生意住三十日而西臨歧與決曰此行也必祈大郡東 赤脉必有良藥其未知之是石生業淺不達此理妄再 致周至斬周見弟眼曰嗟乎眼有赤脉凡內障脂凝有 因家揚州與顗 值有勢力可為久安之計冀有所遇其年秋顗遂東下 楊州六郡為天下通衢世稱異人術士多遊其間令去 施針周不針而去時西川相國兄始鎮揚州弟兄謀曰 相見別八年矣坐一室中不復有再 樊川集

識某聲音不復知某髮已半白顏面衰改是某今生可 漢時仙人陰長生於此白日昇天今聞道士龔法義年 怨有素非敢率然言念病弟喪明坐廢十五年矣但能 以去歲閏十一月十四日輒獻長啟乞守錢塘葢以私 **逾八十精嚴其法人之所謂有前世負累令世還以痼** 母弘者人言異人能愈異疾忠州豊都縣有仙都觀後 疾者奏章于上帝能為解之刺史之力二人或可致是

分丘四库全書

來謀汝醫樂衣食庶幾如志近聞九疑山南有隱士綦

卷十三

以見顗而顗不能復見某矣此天也無可奈何其能見 顗而不得去此豈天乎而懇在相公若小人微懇終不 復困於衣食即海內言窮苦人無如顗者今敢以情事 くこう! /.... III/ 病今春耳聾猜四十日四月復落一牙耳聾牙落年 再書懇迫上干尊重伏料仁者必為憫惻然某早衰多 弟終無相見期况去歲淮南小甲衣食益困目無所見 一動相公相公恩憫終不下及小人是日月下親兄 (將謝之候也今未五十而有七八十人將謝之 樊川集

未五十尚壯健而死者衆矣况某早衰敢望六七十而 莽蒼大野荒墟廢壠悵望寂點不能自解此無他也氣 後死乎願未死前一見病弟異人衔士求其所未求以 衰而志散真老人態也自省人事已來見親舊交遊年 兼以意氣錯寞在羣衆懽笑之中常如登萬四望但見 松栢同也某今生四十八矣自今年來非唯耳聾牙落 而衰脆弱者四五十而衰其不同也亦與草木中蒲柳 候葢人生受氣堅強脆弱品第各異也堅強者七八 **到定四月全書** 火とのちとち 某啟某去歲閏十一月十四日輒書徼懇列在長啟 惶激切之至謹啟 堂啟干丞相治其罪可也伏紙流涕俯俟嚴命不勝憂 血怨披剔肝膽重此告訴當盛暑時敢以私事及政事 弟望某東來之心察某欲見病弟之志一加哀憐特遂 而有知不恨死早湖州三歲可遂此心伏惟仁憫念病 甘其心厚其衣食之地某若先死使病弟無所不足 死 上宰相求湖州第三啟 樊川集 Ŧ

制止所可仰以為命者在三千里外一郎吏爾復有衣 容於里胥遊徽之輩部曲臧獲可以氣凌鼠侵又不能 業今者不復西歸遂於淮南客矣病孤之家假使旁有 戚多感無樂生意况乎為客於大藩喧囂雜沓之中無 黷尊重乞守錢塘以便家事自嘆精誠不能上動相 俸祿之氣勢食不繼月用不給日閉門於荒僻之地取 強近救接庇借歲供衣月供食日問其所欠關尚猶戚 不遂私便伏以病弟孀妹因緣事故寓居淮南京中無

金グログスジョー

卷十三

次定四年至1 賜比擬某伏念骨肉悉皆早衰多病常不敢以壽考自 旅困乏聞於他人可為酸鼻况於某心豈易排遣今年 塵視聽个自勲曹雅為廢置在某更授一官已禁遇矣 更與一官必任東去某承受仁吉不敢不重以錢塘更 可得也去歲伏衆恩念出於私曲語今青州鄭常侍云 食生生之所須悉多欠闕取其安活而無歎吒悲恨不 '月湖州月滿敢輒重書血誠再干尊重伏希憐憫特 相公必任東去之言銷怨在耳近者累得書告以羇 樊川集

罷三原縣令問居京城弟顗一舉進士及第有文章時 某放某於京中唯安仁舊第三十間支屋而已長兄慥 濟活下情無任怨悃惶懼之至謹故 遇知已豈得如志瀝血披肝伏紙迸淚伏布殊造或賜 期今更得錢三百萬資弟妹衣食之地假使身死死亦 無恨湖州三考可遂此心湖州名郡也私誠難遂也不 幸得痼疾坐廢十三年矣今與李氏孀妹寓居淮 上宰相求杭州啟

とこのう こう 刺史則一家骨肉四處皆泰為京官則一家骨肉四處 四十口狗為朱馬緼作由袍其於妻兒固宜窮餓是作 鄙誠已滿素志自去年十二月至京以舊第無屋與長 兄異居今秋已來弟妹頻以寒餒來告某一院家累亦 氏重職七年棄逐再復官祭歸還故里重見親戚言於 肉四處安活自去年八月時紫獎擢授以名曹郎官史 南並仰其微官以為粮命某前任刺史七年給弟妹衣 食有餘兼及長兄亦救不足是某一身作刺史一家骨 樊川集

某啟庫部家兄昨者特蒙獎拔却忝班行實以聽聞稍 心迫情切斬敢重干尊嚴戰汗憂惶伏地待罪謹故 皆困謀於知友曰杭州大郡今月滿可求欲干告吾相 涕伏以相公上佐聖主蔚為元勲恩隨風翔德與氣游 以活家命以為如何皆曰于七年三郡今始歸無不感 一物之微四海之大鎔造所及罔不得宜伏念庫部 為堂兄慥求澧州啟 , 顧之思二紀不替伏恐機務繁重不時記憶

銀片四牌全書

難 **涔陽活於闔門 缺** 狐外生及姪女堪嫁者三人仰食待衣者不啻百口脱 苗霍總及 不敢更求禁進今在郢州涓口草市絕俸已 淹伏蒙仁恩頻賜顧問必許援拯授以 是累年

欠こり見

\...i

樊川集

樊川集卷十三		金万四月全書
		卷十二二

富有道德以大冢字 山南東道節度管内觀察處置等使銀青光禄大夫 四庫全書 八集卷十四 及持節襄州諸軍事無襄州刺史御史大夫 後縣開國男食已三百户高元裕始以御 表率羣寮顧予敢專得於食議前 **齒言於四代其道最優今吾卿老** 奘川県 唐 撰

官在長慶寶歷之際臣拂時病磨切貴近罔有顧慮知 縊藏戎狄信順將欲詳考典禮開張教化使吾丞相P 餘三十年道益昭著夫中外之任选有重輕令者干力 書裂分茅土為政以徳行巳惟仁信而履之服而樂之 無不為復以諫議舎人在大和末詞推凶魁坐以左官 祇聽出納無忘教戒可守吏部尚書散官 降有所咨禀非爾元裕其誰膺之至於官業豈勞倚任 繼為中丞京兆公卿藩服朕始在位徵歸朝廷爰自尚

金丘匹库全書

松喉舌百官之本 網轄天下 以既安人化 能披俗擢任藻鑒旋職生 コララニテラ 道益光顯左省駁議不畏強禦分憂陝服尹兹東 一國賜紫金魚袋崔璪德可標準 郎等制)惟君知臣予不敢讓正議大夫尚書左 樊川集 郡遂成功實之 /要戎政國之 一龍

甘泉石雄造膝盡忠代言稽古近以微悉懇請自便君 學士承肯銀青光禄大夫行尚書兵部侍郎知制語武 功縣開國男食邑三百户蘇滌行冠人倫爵高天秋仁 以中憲每師蘧瑗常幕史魚抨彈之勇正當時病翰林 金牙巴四百言 柱國博陵縣開國子食邑五百户賜紫金魚袋崔興 子之道進退可觀正議大夫前權知尚書戶部侍即十 義禮樂之是務克伐怨欲之不行翱翔禁闊出入諷議 汲黯為郡喾聞卧理下惠去國皆以直道泊宣室思賈

書兵部侍郎散官敷封賜如故 實瑞清時子為爾之德鄰爾曆子之慎選典刑不忘於 名詩曰多士文王以寧禮曰官備天子為樂咨爾操等 欠己日日白ま 企伸上酬宜於夙夜無孤官業操可守刑部尚書散官 哀敬提綱惟在於公勤舉司馬法勿踵近習各膺重任 春陽詞同三代之風士掇一時之秀振舉職業的宣令 知自得不器難名既擅高文無通撲學掌言給閣典貢 勲賜如故滌可行尚書左丞散官封如故與可權知尚 樊川集

袋装体仁義禮樂文行忠信積此八者以為成人前宣 轉運使上柱國河東縣開國子食邑五百户賜紫金魚 兵六師之重次第超握為吾大寮若非魚詣豈敢輕授 金岁巴尼白量 欽池等州都團練觀察處置等使太中大夫檢校左散 具臣况今脫臨百官撫御四海館牢籠漕輓之職掌 正議大夫守尚書兵部侍郎無御史大夫充諸道鹽鐵 勅冉有仲由孔氏門人之高弟也尚曰處於小國可為 装休除禮部尚書裝捻除兵部侍郎等制

騎常侍無御史大夫上柱國河東縣開國男食邑三百 KILD HOLDING 制曲為之防鉤校姧贓末減賦取公財不耗疲人樂生 休乃命以取士時稱得人用其公方委之管榷事為之 **闡任寄方伯教訓以禮生聚以仁千里封疆一口歌詠** 皆周歷華顯踐更臺閣處事可法出言成章咸輟自綸 化武伏咨爾先父貴著大勲天必祚仁門有令嗣道直 户賜紫金魚袋裴諗在元和代惟帝念功四夷九州文 才富行備名高文學而浹洽專精率履而清淨恭儉而 樊川集

金吳也是白書 權知尚書兵部侍郎散官勲封賜如故 寵榮休可禮部尚書依前充諸道鹽鐵轉運等使診可 望為準絕立作據伏名實兼備德位兩高漢史曰理行 勒士師皐陶之恤刑司冠蘇公之用獄既盡哀敬能致 **胚指臂任同一身有事必言未為越局無由爱惜勉答** 卿舉以授之子亦何怪夫宰相佐天子公卿助宰相股 一具者就加禮曰有功於人者進律秩崇八座官副夏 畢誠除刑部侍郎制 卷十 ø

是故用汝典予刑罰汝其往哉吾今告汝吾聞孔子曰 士朝散大夫守中書舎人上柱國平陰縣開國男食品 古之聽獄求所以生之令之聽獄求所以殺之宜念格 具

興委於嚴助竭盡心力裡補機要既久歲序須議遷 信用為前後爰自郎署擢居內庭謀議有同於壽王奇 异今者耕夫服田戎馬不駕欲使凡一手足皆獲措置 三百户賜紫金魚袋畢誠學臻壺與文越拘擊常以忠 徒川県

治平推為大寮曆兹慎選出於予志委以誠臣翰林學

憲朝請大夫守尚書刑部侍郎上柱國賜紫金魚袋常 | 欽定匹庫全書 言深思倫要九服休命以稱朕意可權知尚書刑部 在天方册在地人存政舉行之非艱故用正臣委之 勃昔貞觀開元之為理也遠隱必見情偽必知天下 郎散官勲封賜如故 家北底如一人無他道也綱目皆振法令必行祖宗 **羅戴仁而行抱義以處牆仞裏峻壇宇外寬介特** 韋有異除御史中丞制 邦 女口

臣無累所舉可守御史中丞散官勲封賜如故 言曰凡為虎鼠計於用舎今者倚任竹觀爾能惟名知 之肯三尺律令四海紀綱所宜公共無即上意古人有 其率理委之斜絕爾其念惠文彈理之言思立秋授者 風采恤刑慎罰守法當官巍然立朝為時準直今者跡 君子之强文學盡儒者之業周歷華貫權為諍臣攻子 預川之意得黃霸壺漿迎路稱屬攀車徵為公卿愈見 **甚專言事頗切願試佐輔移理陝郊馮翊之恐失倪寛** 樊川

慈惠之名處官無纖介之失其為行已斯亦多矣丹墀 嗣克肖素風好學順專樹善不倦凡曰賢彦無不與遊 윏定匹库全書 雲水登臨多間放志風塵趨競殊不繁心是以長人有 客上柱國漢中郡開國公食邑二十户賜紫金魚袋趙 問耳目之官若非善良必致壅害朝散大夫守太子賓 真齡其先君子祇事祖宗出入屏毗餘四十載爾為令 動仲尼曰慎擇爾臣為人之導夫語言應對之選為顧 趙真龄除右散騎常侍制

欠三回屋とかう 里之稱成為名實之士各服休命勉於官業可依前件 一賓端貞有守以處權俊义出羣以遂才能適用皆茂鄉 文陸之内貂羽金蟬之榮超以授之無忝所舉可守右 勃朝散大夫守尚書水部郎中上柱國韓賓等尚書天 散騎常侍散官勲封賜如故 下之本郎官皆為清秩非科名文學之士罕與其選以 韓實除户部郎中裴處權除禮部郎中孟璲除 工部郎中等制 樊川集

乞為副貳以佐紀綱以爾處晦常居內庭草具密命自 貴能文博學人倫義理無不講求朝廷典章飽於聞見 晦御史中丞韋有翼上言曰御史府其屬三十人例以 金分口尼分言 以疾去於今惜之頗俞其言如我自得有異為爾之知 勃朝議郎行尚書職方員外郎上柱國賜維魚袋鄭處 已余為有翼之德隣上下交舉豈有私爱勉修職業所 臺郎官一人稽參其事以重風憲如曰處晦族清胄 鄭處晦守職方員外郎無侍御史知雜事制 巷 + פייו

賢彦豈膺選擢將仕郎守起居舎人度道尉善行必備 惟獨以文學止於代言亦乃容參機要得執所見若非 勒天下為公選賢與能也况乎伎出流輩超侍惟幄豈 而偶意朝議郎行尚書禮部員外郎賜緋魚袋 重價無對當自侯府什 ごり見かかり 可守本官無御史知雜事散官敷賜如故 **庾道尉守起居舎人李汝儒守禮部員外郎充** 翰林學士等制 樊川集 為諫臣每直言而盡誠不違忠

翰林學士餘皆如故 既言矣亦能繁維宜盡忠讀以酬寵遇並可守本官充 久遊安在相見何晚禮曰君子稱人之美則必爵之我 動書曰無獄無事予敢罔知此乃周文王之所理天下 其道守正而莫混其源並為儒者之英咸蘊賢人之操 ·行冠時名聲華泉 歇歷臺閣宣昭職業無入而不 李朋除刑部員外郎李從誨除都官員外郎等 制

金片巴尼石量

PARTO MEL ALAMO 無即上意各宜勉勵勿自輕怠朋可守尚書刑部員外 為清秩當自宣室受識之際思滿堂飲酒之言至於刑 磨涅不改堅白今者取自憲府握於幕吏各有所授皆 章尤繫念處子曰罪爾勿罪予曰寬爾勿寬問法何如 無侍御史賜緋魚袋李從誨宗室子弟美秀而文嘗經 克舉天平軍節度副使朝議郎檢校尚書祠部員外郎 御史内供奉李朋能積行實發其詞華勁正端慎官業 也惟欲惟事會於南官求郎之難豈敢輕易將仕郎侍 拱川集

者上言爾審學古有文通知理道遂使馳驛視吾幾人 金分四周分量 勃文林郎守尚書水部員外郎權審湖領早膜百姓枵 美俗使者言之於爾無以過馬用超名曹以酬往效無 果能臨事知權受命達古撫慰流散宣導思澤蠲貸通 耗老弱死道上强壯入賊中爰求使臣以救其弊執事 郎散官如故從誨可守尚書都官員外郎散官如故 逸能裁潤俠大小輕重各合事宜雖古所謂直指繡衣 椎審除产部員外郎制

火にり見られる一 以文學發為官業朝議大夫前守河南縣令上柱國鄭 即無侍御史賜緋魚袋皇南鉟鄉里秀人臺閣名士能 輕取浙西道都團練副使朝議郎檢校尚書刑部員外 一瞬官業勉服休命可守尚書户部員外即散官如故 動夫聖人之聖百代同道無他術也綱紀盡舉而關轄 不寬故提綱主轄之司為邦立理之本言於其屬豈敢 皇甫鈺除右司員外郎鄭濴除侍御史内供奉 等制 樊川集

金グでたろう 禁無恭遷推鉢可尚書右司員外郎散官賜如故凍 **站此乃詩人之所稱也四海百司之條目舉之在勤破** 之任憲司抨彈之職委之授汝得不戒之夫為政也日 制壞法之奸蠹斜之在敢率是二者可曰當官各服寵 源生於清族克肖素風凡守郡邑皆著理行會府影委 侍御史内供奉散官封勲如故 夜思之勤而行之此乃子産之言也剛亦不吐柔亦不 幸退之除户部員外郎裝徳融除殿中侍御史

霜始嚴鷹隼初擊古人垂古可以知之朝議郎行殿中 侯名聲籍甚留滯在外而非所宜地官為郎南臺持斧 **徳融典校延閣服膺羣書美價廣譽旁溢遠畅額佐賢** 侍御史韋退之等皆章甫高危逢掖襄博表襄文行師 勒仲尼見負版者則必式之此言為國根本不敢不敬 欠の可見る方 法典常退之皆歷憲臺久居官次性既安靜事皆连練 况其官屬豈可輕用漢家授署御史多於立秋益以風 盧頡除监察御史等制 樊川集

袋盧潘等夫法不立而化行惡不去而善進雖使堯舜 議的檢校尚書禮部員外郎無侍御史上柱國賜緋魚 金分四月全書 皆有職業佇見風采各思率勵以副頸昇並可依前件 斯選尉以文行進用已者勞效潘以儒雅派間今膺拔 在上未之有也故御史之舉職者前代有埋輪都亭之 勃將任郎守殿中侍御史李蔚劒南西川節度判官朝 奏國朝亦有載多正殿之劾若非端勁知名之士不在 李尉除侍御史盧潘除殿中侍御史等制 थ

大江口田 白 之代無他道也取唯諾之士為耳目之官是以太宗皇 散官勲如故 粉冰奉郎行京北府長安縣尉直史館盧告朕觀不理 矣可不勉之尉可侍御史散官如故潘可殿中侍御史 握有司列狀詞者頗公使吾綱目盡張隄防不壞不在 法吏其在他乎朕閼祗官之門開天下之口企以待理 無有厚薄爾等吐如侮畏之道能不愧於詩人斯塞職 盧告除左拾遺制 樊川集 ±

卿老之今子弟也以甲科成名以家行稱著取自史閣 金分口尼台雪 言可依前件 四者之闕悉陳其志此乃漢文帝開諫諍之詔也忠告 拔居諫垣夫朕之不徳吏之不平政之失中人之不宣 臣况子寫昧固多遺闕不官才彦安能知之告是吾賢 帝之理天下也德為聖人尊為聖帝三日不諫必責侍 不倦爾當奉職自用則小予不各過勉思有犯 蕭峴除太常博士制

一欽定四庫全書 一 動禮至則無怨樂至則不爭揖讓而理天下者禮樂是 强可守太常博士散官如故 使祝宗卜史之徒不敢以近習欺爾斯則可矣勉於自 能於知已依投之地竭力報効况乎富有文學默守恬 也今國家上法三代下採两漢質文隆殺皆有舊章今 退執心處已不亦多乎爾其為吾折衷輕重詳校疑似 秘書省著作佐郎蕭見聞爾昆弟之間著友愛之稱復 命博士非欲草其儀法但欲提舉考習而已登仕郎守 大十二集

一斯豈廢乎考衆惡必察之言徵怨不在大之說官移禮 處衆於已或遇事禍東言於慎微則亦乖矣仕於清貫 授如間同列牆進而不爾容爾亦拜章自陳極辭貢慎 動守左拾遺杜豫爾五廟祖當佐太宗同安生人共為 寺跡去掖垣屈既伸眉事亦存體酌此二者頗得中道 天下者也爾能自以文學策名清時升為諫臣豈曰虚 乃令徵辨盡知其由僉曰爾以齒少有才不能韜晦或 杜漴除太常博士制 | 欽定四庫全書 | 一 説乎 以為排折羌虜非穀不可今浚稽山南遮虜障北坐甲 卿無御史中丞馬曙等或以文學策名或以東才進用 動前度支河東振武天徳等道管田供軍使檢校太僕 久更官次皆著勞效西漢趙充國八十老將通知四夷 ,職業至重結蓄可施無使眾多復有窺測可太常 馬曙除右庶子王固除太僕少卿王球除太府 少卿等制 樊川集

勃壯武將軍檢校太子賓客前無右金吾衛將軍監察 待食不下十萬曙以文學之暇頗好論邊果能峙糧飽 御史上柱國襲岐國公食邑三十户食實三百七十户 其郊所命皆具東朝崇秩列等貳卿各服官榮以俟昇 吾戰士 固此為郡亦報善政球体賓席得專留事兵於 可依前件 李叔玟除太僕卿高証除均州刺史萬汾除施 州刺史等制

首為才士實曰寶臣証之與汾為吏歲久文學績效皆 心故其苗裔福隨殷周我西平王功存社稷慶流後嗣 賜紫金魚袋李叔玟等夫伊吕之為將也每以救扶為 將才頗高慶忌一門盡有爪牙之用金敞舉族皆著忠 とこり ラーハチラー 寵榮以稱朕意可依前件 厚之名置將軍之符列卿寺之任曰文曰武惟上所命 子孫多賢裂土分茅玟弘毅知書洵美且武儒士多譽 有可觀清江武當有人有賦豈自薄小宜遵詔條無忝

点揚州大都督府長史御史大夫上柱 國替皇縣用國 一替田觀察處置等使金紫光禄大夫檢校尚書右僕射 維大中六年歲次壬申五月丁卯朔十六日壬午皇帝 金月巨尼石書 修老而彌寫在文宗朝徧歷清近內備顧問當推奸兇 若曰國有元老道可咨禀天命不助倏然去我宜加褒 命以慰重泉咨爾改淮南節度副大使知節度事管內 公食邑一千五百户李珏立徳行道繼長增高貴而益 李珏贈司空制 Ť

以道知我其天李固之確論無私周公之金騰終改自 問侍醫臨理旋間大病却食涕流命也奈何痛悼不及 朕統御尊敬舊老分委戎輅作鎮孟津訓兵令行治 諸侯能救饑艱克為康泰初陳微恙請捐重寄驛騎 貞骨鯁魁礨凡所陳啟無非法誠遂乃裂授東夏表率 不信順訓導百吏皆有程品左官流服衆党非罪事君 1.治飽間聲聞渴見風采以大冢字徵歸朝廷讜直忠 領事權善提故典爰付題柄實肖象求鎮撫四夷莫 與川集


發於文華數歷清近業冠前輩才高當時热領屬官預 傅分司東都上柱國晉陵郡開國公食邑二千户歸融 金分四月全書 聞政事凡曰繁劇無不踐更刃皆有餘施無不可徧處 死哀尉為大臣宜遵贈典故金紫光禄大夫守太子以 **勅有禄位而享富貴啟手足而歸壤樹身殁名著生榮 妇鑑兹誠意嗚呼哀哉 今遣使某官副使某官某持節冊贈爾為司空魂而有** 歸融贈左僕射制

使銀青光禄大夫檢校左散騎常侍持節都督桂州 謹曾參三省太叔九言服以行之終身不倦實士林之 次に日本とから 勅朕有表臣作鎮南服天不我助遽此殲奪用崇飾終 重位内修典法三來我較外作屏毗富而不驕貴而愈 君子為朝廷之表臣未究高年遽聞長夜爰舒痛悼 加顯位命之寮長以慰重泉可贈尚書僕射 /典以舒痛悼之誠故桂州本管都防禦觀察處置等 令狐定贈 禮部尚書制 樊川集

伙助急難之名下有慈愛教誨之道間於論者爾其得 吏至於藩翰事聚必理刀皆有餘去載桂陽雖云旱耗 間其風俗芬若椒蘭昔爾元昆輔我聖考令汝猶子相 中以文學膚鄉里之選終以徳業為名實之臣爰自郎 軍事無桂州刺史御史大夫上柱國令狐定始自結髮 至於壽考直道而行靡有悔德初以友愛謁閨門之 **跡去難留川逝不捨追命宗伯以慰重泉往而有知** 八公忠貞正衡鏡法式與乎當代華於一 門上 有 風

金グビだろう

卷十四



欽定四庫全書

集部

樊川集卷十五至

詳校官監察御史臣查 莹 檢計臣何思釣覆勘 校對官助教臣胡子家 總校官進士臣終 腾绿監生臣在 堂

琪

唐 潼關防禦鎮國軍等 其間繭稅魚鹽衣 关制 杜牧 賜紫金魚 則安况西界 持節 採 諧 食 浙

之器仲弓有南面之才智莫能欺剛亦不吐表率教化 討温良恭儉齊莊中正實以君子之德華以才人之辭 千里而有三軍儒者之際莫過於此孔子曰仁者愛人 **数歷清顯昭彰令聞輕自掌言式是近輔子貢為清廟** 廣殺生在我考此二者可以報政祭加副相用壓大 智者知人爱人則疲羸可蘇知人則才幹不棄土宇既 更是故用已效之績託分寄之任擁倩斾而服玄玉化 皆有法度令者兵為農器革作軒車言於共理在擇循

金定匹庫全書

卷十五十五

城環地千里口衆賦重豈可輕授朝議郎守尚書刑部 勃夫立人伯 長此周文王所以故事上帝也况廬江五 郎中柱國賜緋魚袋盧搏以文學策名才能入仕周歴 使散官勲封賜如故 州刺史熊御史大夫充浙江東道都團練觀察 爾其勉之無忝所舉可使持節都督越州諸軍事 こうこうしい 盧搏除廬州刺史制 月佳譽無報善政令者出郎官之 樊川集

愚太守之章言於清時不為不遇上有命則違之上有 勃中散大夫使持 節亳州諸軍事守亳州刺史充本州 律人不如律身念兹二者可長人矣無忝分寄 孫伏伽等二十二人各以六條巡察郡縣以能進者止 好則效之此乃成王命君陳之言也故行令不如行化 **團練鎮遏使雲騎尉賜紫金魚袋李暨等昔貞觀末遣** 李暨除絲州刺史魏中庸除亳州刺史曹慶除 威遠管使等制

火巴马車在時 之二者較然爾欲何取慶乃身帶兩綬兵分禁營得 守之念子當較懷臣實文士出典兵郡不薄為更爱我 各委共理之任簿書刀筆俗吏事耳慈惠教化君子宜 之衆况今點防外廢仕進多門緬思疲人每渴良吏牧 百姓盗賊奸宄寢而不作鰥寡孤獨皆有所養中庸再 分符竹間立善政凡為理者皆高仰之今用已効之才 一里憂勤之切百執事奉法公謹之心守臣為奸如此 樊川集

二十人獲死者七人流竄點免僅千百輩以太宗皇帝

邊將造偽交關華夷冀立功勲以求爵賞自長慶已降 諸軍事無勝州刺史御史中丞充本州押番落及義勇 金になせるとう 怠於制置西北守即多非其人侵虐種落厚自封殖至 勒銀青光禄大夫檢校國子祭酒前使持節都督勝州 軍等使上柱國李誠元開元時吐蕃上書悖慢無禮皆 牛刀立於交戰或有鄉里之譽克肖友悌之風百里長 在王畿内各思答效無恭寵祭可依前件 李誠元除朔州刺史制

官用震殊俗大車馬甲兵戰之器也禮樂慈愛戰所蓄 國士無頹家聲可檢校國子祭酒使持節朔州諸軍事 也然後要之誠信禦以堅明雖曰戎夷豈不畏服深期 天下因今循撫果效信順是以屢詔執事慎於選求食 曰誠元家本北邊志氣慷慨將軍之子頗傳父業學萬 人敵知四夷事跡榆林之前政寄馬邑之名那仍留無 朔州刺史御州中丞散官勲如故

使忿翥之性不甘欺奪之苦近者聚為内冠至乃騷動

當賜賴分軍租不入士爭為死虜不敢犯今以天水名 州刺史御史大夫充本州防禦使上柱國薛達匈奴犯 郡號為新都用汝守之期於鎮靜無召戎生事無號戎 塞李廣逢時爪牙甚堅翅翼頗健任以沂隴倚戎守封 光禄大夫檢校右散騎常侍使持節隴州諸軍事無隴 勃兵者凶器也將者死官也若不擇才必有陷敗銀青)功正封疆守禮信險走集嚴候伍邊將之道莫過於 薛達除秦州刺史制

| 欽定匹庫全書

卷十五

Œ

無有州刺史御史中丞充經畧軍使押番落副使左神 如故 義寧軍行營鎮遏都知兵馬使本道營田等使散官勲 **勃銀青光禄太夫檢校太子賓客使持節宥州諸軍事** 秦州刺史御史大夫充天雄軍使兼秦成两州經畧及 斯弄印貂冠皆為榮秩壯爾軍旅惟恐不多勉礪鋒鋩 期報效可檢校右散騎常侍使持節秦州諸軍事無 田克加檢校國子祭酒依前宥州刺史制

邑 陳安之勇聞隴上委以邊郡能得士心冠圍陰河守陣 策軍有州行管都知兵馬使上柱國雁門郡開國侯食 在冠此乃趙鞅誓衆之辭也宜念古人之言勉作萬去 甚寡爾乃萬死不顧一奮無前奇兵徑衝驍騎橫挑圍 1特可檢校國子祭酒餘俱如故 孤壘戰敗豪羌言念忠勞豈愛爵賞帖以崇秩用酬 功畢萬匹夫也百戰皆獲有馬百乗死於牖下死不 一千户田克梟俊無敵感激輕生李信之氣蓋關中

とこうる とよう 子優為長更其有政化可差古人藏理與逢関官簿而 仲尼對魯哀公曰人道之大莫先為政漢宣帝曰與我 吏之選夙興夜寐不忘於此淙以文科入仕命守邊郡 共治者其惟良二十石乎念先師賢聖之言思疲人良 屬當代叛兵於,其郊處劇不繁事叢皆辨如愚進以門 ,朝議郎前使持節坊州諸軍事守坊州刺史薛宗等 薛淙除鄧州任如愚除信州虞藏玘除印州刺 史等制 鉄川集

升通州雜以華夷淮南兩有兵賦爾其往哉今用誠爾 頗多言理名而亦著紹元嘗聞謹慎可幸百里巳所不 金丘四月全書 **護塞居延視胡虜不敢窺士爭為死各委分寄實曰遷** 邑間其為治人歌舞之以蒙執受前驅予之雄也光禄 **勅朝議郎前守太原府晉陽縣令上桂國鄭液等今之** 欲勿施於人無忘格言副我優寄可依前件 郡守為人師帥宣上教化者也以液外在官途嘗室大 鄭液除通州刺史李蒙除陳州刺史等制

勃正議大夫前使持節淄州諸軍 次巴马里在四 君子之道先有諸已後求諸人皆能律身始可檢下勉 為天子之守臣作百姓之長吏言於仕進可曰顯榮日 佐而升在朝班列五尚而職三服亦為良遇無忝官常 詳語令用謹理行從規始於門子入仕恭謹無尤自州 依前件 王晏實除齊州吳初本 巴州陳促渝州刺史等 制 樊川集 事守溫州刺史

賢侯作掾京北亦曰美仕皆有官業慎無自薄可依前 於廉平弘宗温慎有餘王屬咸為清秩錄以文學當佐 金ケセスと 子茍為善誰敢不勉身率以正孰敢不正欲謹於行在 俟善政而後用或淺無所間滯序進之常途則怨生於 國太原縣開國男食邑五百户賜紫金魚袋王晏實等 渝夷俗慷慨豪健刑於樂典爾其往哉古之人有言曰 亦當為郡聞無悔各是孰詔條濟南跨河有兵有賦巴 下古今政柄患斯二者晏實初本促等三人入仕年多

件 宜遵格言的或不臧貽爾之戚雅康入仕當在班列青 御史充本州鎮遏使上柱國郭瓊等鄰山順政僻處山 勃太中大夫前使持節文州諸軍事守 人こうる ハトラ 爾其往哉仲尼曰正身而人正欲善而人善撫我疲 谷罕知文律易為欺奪瓊與宗元守郡牢邑間無悔吝 郭瓊除渠州郭宗元除與州等刺史王康除建 陵臺令等制 樊川集 文州刺史無侍

勒中散大夫前使持節柳州諸軍事守柳州刺史上 金灰四母全書 以為冠達緣巴徽其風於勁瓊處海外在兩漢時往往 易為欺奪朝廷選置多無名人小則抑鬱不伸大則聚 國賜紫金魚袋吳從等地遠京邑俗雜蠻夷不知文律 宫對導陵邑守奉若非謹慎不膺斯任可依前件 **反羅居百越磎洞深阻咨爾三更比當為郡亦執有** 具從除達州賈師由除瓊州蕭蕃除羅州刺史 等制 卷十五

列郡人 とこうる 良以顓守奉各服休命勉於始終可依前件 勒正議大夫前使持節忠州諸軍事守忠州刺史上 國裝閱等江峽之間其俗剽悍聞爾為理人惜其去若 優以上佐茍有聞見無忘裡助可依前件 不遷陟豈酬政能泊師素等久居官常皆無悔吝半刺 八所咨禀衣冠弓劍之地霜露感思之心尤藉謹 裴閱除温州刺史伊實除獻陵臺令等制 1.1. 樊川集

政勿以荒服侮我疲人或異詔條必寡厥辟涓當叙進

賜紫金魚袋陸紹等夫以冉求之才方六七十為之三 **多好四母 全書** 以越俗遂寧旁緣巴徼號為沃野皆有厚賦委之分寄 -然後可使足人今者一州之地五六於此况上饒參 以載頗有長者之 其人以紹其先君子仍代作相能以儒學緣飾吏 大夫前使持節申州諸軍事守申州刺史上柱國 陸紹除信州刺史封載除遂州刺史鄭宗道除 南鄭縣今等制 鬼間於士林之間夫二千石所繫

幸邑卓然善政廉使上課書為第一列於遷陟得以不 大との日とはり 時無易初心以失前效可依前件 朕常留念舉以授爾能不誨乎郎孤獨逮不足修其教 承訓審矩為天子之守臣作百姓之長吏仕而至此 **勅朝議郎前京兆府渭南縣令上柱國張德翁等德翁** 狗其宜几此四者著於王制勉循古道以活疲民宗道 張德翁除歸州刺史李承訓除福昌縣令盧審 矩除陽程縣令等制 與川集

山江關扼東控西南夷置吏不善所虞非細以樟當室 執臨師景參該等各以序進亦為良遇可依前件 劇縣在會府中條令和平吏人嘉美跡爾前政撫予遠 金にプロアノニー 爾之教矣人胥效矣可不勉之量助奉陵邑以謹慎選 亦達矣匹夫為善人猶則之守今所為誰敢不化詩曰 禮曰人之所好已亦好之人之所惡已亦惡之以此 朝議郎前守成都縣今上柱國賜維魚袋王樟等盧 王樟除雅州刺史郭錥除右論德等制 五

諸軍事無銀州刺史御史中丞充本州押蕃落及監牧 **動開府儀同三司檢校國子祭酒前使持節都督銀州** 用心何憂不理暨錥與綬門 副使無度支銀州管田使上柱國清河郡開國公食品 九户日本 Action 久東朝諭導名藩上寮頗為幽開宜服休命可依前件 户傅孟恭等孟恭山西將門并州壯士雖長鈺都 傅孟恭除威州刺史宣敏加祭酒無侍御史依 前宣歙道兵馬使知防秋事等制 樊川集 清族関其官簿八仕巴 ŧ

憲班或伏熊軾可曰榮遇無自懈怠可依前件 守邦有間官業克奉今以威州新造地豕之衛非爾 三百問耀雪吹毛者數萬事言其勞績亦少比倫各無 敏於窮塞提望孤軍樹立和門繕完械用暈飛虹亘者 尉黑稍将軍校其忠勇無以過也左官非罪志氣益堅 金牙巴及石門 不能震壓遂以武健佐助我臣觀其列狀頗著勤效 姚克泵除鳳州刺史革涿鼎除櫟陽縣令王仲 連對善大夫等制 卷十

動中散大夫前使持節利州諸軍事守利州刺史上 たこう声にみう 國姚克桑等仲尼曰人道之大莫先為政之功者其長 宦途歲月滋人東朝贊導亦曰升遷各慎厥官無忝榮 凡為理之要先事孤弱譬諸草木無倦栽培仲連在英 命可依前件 幹能堪事河池名郡畿内小侯仕於清時皆為良遇太 克柔當典一邦愈知為理承鼎增宙等開敏有材 朱載言除循州刺史袁循除渭南縣今張公及 與川集

仕當此選擇間無悔尤海豐越俗王畿名邑夫那正表 動前靈鹽節度掌書記朝請郎試大理司直無殿中侍 姓愁怨載言循省問遠等或以東理進官或以科名入 勤膺陵邑慎選幼章以才敏坐京兆劇曹各有官業無 御史朱載言等刺史縣今皆古之五等諸侯行詔條紀 綱專教化殺生者也得其才則疲人蘇息非其任則百)影教令草上之風岩非律身不能為理公及以謹 除獻陵今韋幼章除京兆府倉曹等制

金分四月至書

皆曰美秋盡獲優安各務清勤無損悔各可依前件 とこうる シャラ 實事不茍且量材適用咸當所宜咨爾某等各於進官 無侍御史充本州團練使上柱國支某等近者控名責 勃銀青光禄大夫前使持節邢州諸軍事守邢州刺史 亦以勞久至門為傳越徼分憂滔守奉園陵毗佐列郡 自廢怠可依前件 支某除鄆王傅盧賓除融州刺史趙全素除福 陵令等制 樊川集

金片四月全書 **凌四代所貴事皆不同至於尚齒其道一也聞爾久居** 官次年踰月制家惟四壁身無一簪今者致政里居亞 守大理少卿致仕散官勲如故 列半俸足得安枕几而就順養散老之道亦為優異可 朝散大夫檢校太僕少卿前無江陵少尹上柱國鄭 鄭陵除大理少卿致仕制 ž

欽定四庫全書 安之術避少戰敢死之虜頗唯免胄獨能全師自繁纓 軍御史大夫充左街使太原郡開國公食邑二千户王 勒銀青光禄大夫檢校刑部尚書前兼左金吾衛大将 久已写真 AID的 三 到常侍文陛召見武臺願以五千獨當一隊思長策久 朝執金入侍夷險一 樊川集卷十六 王釗除皇城留守制 貫忠勞兩無子尾之疾雖平 與川集 軎 杜牧 撰

動昭武軍校尉前守右號衛將軍上柱國賜緋魚袋王 文之宗霍陽繼博陸之後知信烈祖貝兵之戰可庇十 將軍御史大夫充大內皇城留守散官如故 知信等古人之為理也不以一青而掩大功克廣紹子 且務優安勉於遵養可檢校刑部尚書無右領軍衛 王知信除左衛將軍史家除右監門衛將軍等

金罗巴尼白量

克之步尚塞官崇環衛職實司武入座副相不失舊祭

前件 方之政若有罪不問是倒持太阿有頑不磨是廢去砥 次足四華全勢 朕據南面之尊制一代之命先講百官之法後行四 一諸將自為孫謀奏鎬明誼入仕己久皆無悔各故 遷臨封遠邦蔡毫兵部分憂佐理無忘謹庶可依 張直方授左驍衛将軍制 樊川集

代豈止曾孫家父伯仲亦效忠懇提挈

今者 罷以將軍旌其舊徳豈惟獨舉 賞延之典亦欲使

書無右羽林統軍將軍御史大夫張直方席其先人任 倫觀過必於其當念其生自我旅素不鐫琢既觸法網 持舌不言以至再三始引機闕古人有云語人必於其 為邊將披誠向闕執玉來朝近臣勞郊大匠理第典兵 石則拱視天下何以為理雲塵將軍起復檢校刑部尚 乃每輕法檢恣為邀盪擅去宿衛潜遊異縣有司問狀 於禁門之内立侍於交戟之中校其罷榮無與等比而 可矜容如膝墜泉予常自惧小懲大戒爾宜知恩不

金りせんと言

失將軍之禁仍存無官之重足得消洗以俟甄升可銀 欠三丁員 二十丁 青光禄大夫檢校刑部尚書無右號衛将軍御史大夫 開元中幽州長史趙含章大破奚虜旋坐贓賄放流瀼 首級亦罪之小者漢文時魏尚囚繁漢宣時田順自殺 馬軍令黃帝李法兵家尚嚴始可赴敵邊將破廣詐增 勃金紫光禄大夫檢校工部尚書無左武衛上將軍御 史大夫上柱國吳與郡開國公食邑二千户朱叔明司 朱叔明授右武衛大將軍制 與川集

禁不顧廉恥積帛藏錐丘界陵聚是以戰士離落兵甲 性命淺狹其兄叔夜以贓抵刑不出私門 書語試深切豈知頑昧不可鐫琢嗟爾叔明材惟樸枚 之畜割削士卒衣食之賜見利則往見弱則欺罔酬恩 州縱有功勞不贖罪犯是以拓土萬里垂功中與自長 慶巴還益輕邊事選拔將的多非賢良豪奪種落蹄 鈍弊積三十年擲之不問近者伐叛益知其由屢下)積歲時料甲時糧既之素效事 詔

金丘四百全書

奉天鎮都知兵馬使銀青光禄大夫檢校國子祭酒無 諫臣拜疏前罰未塞尚為恩貸不失將軍分務洛師 欠のする シピー 動北落親軍夾峙官省選忠勇者為吾爪牙右神策軍 以循省可右武衛大將軍分司東都散官熟封如故 與公食爾乃貴攤旄鉞任倚邊睡何其用心與古相萬 寸功而乃公欺降戎乾没戰馬歸充伏櫪告以弊惟 /無良一至於此昔曹劇請戰上式輸財俱是匹夫 梁祭幹除檢校國子祭酒無右神策軍將軍制 樊川集

散官勲封如故 掌五兵榮懸三段勉礪鋒鍔上答寵光可檢校國子祭 故能塞證長榆兵分細柳恩加士卒名著勤勞今日雅 酒無右神策軍將軍知軍事御史大夫充馬軍都虞侯 石威衛將軍御史大夫上柱國安定郡開國公食邑二 户梁荣幹射必落鵰力能振武自晦雄毅益守無恭 呂衛除左衛將軍李錄右威衛將軍令狐朗除 州别駕等制

多好四年全書

件 沙世四事全生了 一 率理道將軍上佐半刺之任言於清時皆為美仕帖以 忠信不失其常錄朗入仕處久関官頗多聞無尤違是 紫金魚袋吕衛等衛為天縣之魁來就諸臣之位誠故 勒翰林待詔昭武校尉前守左驍衛將軍上柱國賜紫 禄秩之授用嘉慕義之心慎無自輕勉於敬畏可依前 **勃忠武將軍前左武衛將軍無濃州長史合川郡公賜** 張幼彰程修已除諸衛將軍翰林待部等制 樊川集

勑 件 相 或扶將軍佐僚皆為罷握各守職秩無忘專慎可依前 不分與古爭品審以武進晚能知書屢以辭章上干丞 金魚袋張切彰等幼彰修已鴻都奏伎攻於丹青用志 知實以謹良館務師儒以詳練守職或藝或勞或邊 人見君父之尊師資益忠孝之道流離少好騏驥老 出孫李明遠三品孫韓鍔等立侍交戟緩能勝冠 品孫李明遠授左千牛備身等制

自りせんと言

卷十

交 己り 車 白 非惟山澤之饒歸於公上亦得以遠人利病聞於朝 成宜念聿修慎無欲速明遠可致果副尉守左千 動前鳳翔節度副使朝議即侍御史內供奉賜維魚袋 身鍔可翌麾校尉守左千牛備身 李鄠等五領之表地遠京邑吏以法制奉公下以文律 7持益亦寡矣而鹽鐵推束之籍延家萬里若當其才 李郭除檢校刑部員外郎充鹽鐵嶺南留後鄭 蕃除義武軍推官等制 樊川集

等近者恢復河湟訓定羌房江湖之間人安而不擾供 咸有才能佐藩評刑知已所請各進官秩皆為禁遇宜 思報效無累薦延可依前件 然常件賢侯號為名士以此委任必有可觀蕃瑾嗣関 **今吾丞相揣摩新規改易舊制以郭文學廉慎當官提** 知鹽鐵盧壽院事朝請即侍御史内供奉章宗立 幸宗立授檢校倉部員外郎知鹽鐵盧壽院等 制

金万里を石量

一饋之費財有餘而力不感實由管權委之名臣今者尚 動前知度支河南院事朝散大夫武太子司議郎無侍 能知無不可者暨頡與潜皆稱名士自有丞相為爾只 書休以爾宗立等上言咸曰清白處已勤謹奉公予安 **てこりる シャ**ト 知守職佐藩無忝新命可依前件 一柱國賜緋魚袋房次玄等有司臣各言爾等或 房次玄除檢校員外郎充度支靈鹽供軍使等 樊川集

勃大中大夫使持節邠州諸軍事守邠州刺史充兵馬 華夷宜假霜臺用壓戒落瓊磚觀等皆吾卿大夫之令 留後上柱國賜紫金魚袋李知讓等以知讓所理雜以 以科名文學或以清白才用列於薦籍其辭甚美分金 知苟盡能不達乎爾其勉之可依前件 穀推運之務無忘謹廉佐諸侯将軍之府宜竭碑助報 李知讓加御史中丞依前邠州刺史章瓊加侍 御史充振武軍掌書記等制 卷十六:

剑丘四百全書

等我臣請士京兆求賢披其薦籍皆曰才能彦曾左官 前件 勃朝議郎行鄭州管城縣令上柱國賜緋魚袋崔彦會 非罪理人異等詵張王賢客梁苑辭人元汶官次平之 子弟也我臣知之請為佐理夫恭吏之道有事必言知 7:2 :: ; 不為考於職分亦無本局各思報效勿事依違可依 崔彦曾除山南西道副使李號山東道推官楊 元汝京兆府法曹等制 此川東

多定匹库全書 司無舞文之過移為典獄陟在實階不累已知惟有直 於有司以才能入仕於官次諸侯辟之佐於賓席天子 道可依前件 用之升於朝廷次第等級大小高下亦與古之鄉舉里 勒朝議郎前守太常丞上柱國李成慶等以文學升名 德試言無以異也爾等皆吾卿大夫之令子弟也 李承慶除鳳翔節度副使馮軒除義成軍推官 等制

清風素範克肖家聲屬辭彫章能取科第既有知己皆 **曈等睡以科名辭學開敏多才久遊諸侯常為今間周** 為才人賢觀與遊達視所舉今爾賓主兩皆得之義則 粉前昭義軍節度判官朝議郎殿中御史内供奉夏侯 進否則退無為美灰以求茍容可依前件 知東理無能潔則我臣上言願為毗贊既諾仕以委質 夏侯曈除忠武軍節度副使薛途除涇陽尉方 集賢校理等制

之子富有賢哲不假搜聘召同列而會者三百餘年况 勃在春秋時晉為諸侯國也尚立公族大夫教育諸卿 前件 宜直道以酬知途以文行策名節趨清遠言於後進實 天覆盡得而禹畫無遺名即賢相之家清風素範之 八延閣典校丞相所請勉循階級以至堂與可依 蕭孜除著作佐郎裝祐之陝府巡官崔滔樂陽 縣尉集賢校書等制

欽定匹庫全書

當時有才之人東觀著述殿閣典校參畫幕府開導獻 學决科或以行實立身遭逢知己皆後生可畏之士為 以候超升可依前件 族子孫森羅髦俊並作次第叙用豈歎乏才風使判官 将仕郎守國子監太學博士蕭孜等或以秀異得舉 納清秩美職二者兼之不由階級安至堂與勉於修慎 楊知退除鄆州判官薛廷望除美原尉直弘文 館等制

道此乃貞觀之故事也若非名士固不與馬知退與途 為秀彦弘文館四部羣書十八學士詳考理亂鋪陳王 戦伐之後切於供饋库績自以謹幹稱於有司予 定齊會餘三十年多用名儒鎮之以還古俗其賔吏皆 勃將住郎前守京兆府藍田縣主簿楊知退等國家盪 知咸徇其請各宜率勵無累所舉可依前件 行温雅副幕府之求廷望才學聲華曆丞相之選當 白從道除東渭橋巡官陷祥除福建支使劉蛇 非能

欽定匹庫全書

吏皆曰周才校其智能足應事役暨守臣貼孫等亦曰 戰伐之餘財穀彈壓斷長補短以無為有今者上言三 察御史白從道等朕以國計出入委以表臣尚書郎當 勃度支東渭橋給納使巡官将仕郎武大理評事無監 本勉於自勵無負已知可依前件 祥蛻文學温慎可在賓階才者得失之端士者功名之 ここうこくいう 盧籍除河東副使李推賢殿中丞高湜除湖南 壽州巡官等制 與川集

勃河東節度副使朝散大夫檢校大理少卿攝御史中 釤定匹庫全書 并州近胡王紫滋始艱難以來何戰不會長沙始安煩 章策名俊秀或有幹局可佐图圖皆徇所請予安能知 某等上言成舉可用籍等或負才器倜儻不羣或以文 **丞上柱國盧籍等夫諸侯之任重矣其行道也得以阜 閘早耗各宜良士以佐賢侯夫直道枉道無他故也取** 俗變俗其行法也得以刑人賞人若張政化得以助業 推官薛廷傑桂管支使等制 卷十六

容盡節而已勿應後患宜竭報知暨殿省佐僚縣道為 那豈曰虚授亦當爾才正霜臺之舊名班去閣之初命 各服罷禄勉於自强可依前件 KILD WAT AT AND IN 動浙江西道都團練判官將任郎監察御史裏行鄭碣 李仁範暨虔餘等咸以文行策名清時諸侯知之命 鄭碣除江西判官李仁範除東川推官裴度 官等制 除山南東道推官處士陳威除西川安撫 樊川集

肯起徇酬知己以壯在野並可依前件 之奉荷石門之條沈如魚潜冥若鴻鄉非吾賢相爾 此乃天意親近賢良先於如后威者吾能言之耕延陵 幕吏少微四星處士毗輔之宿也天之布列在軒轅前 金岁四月日言 **跆等守臣有司上言請士皆曰詒等士旅之中有政事** 動前耶曹濮等州觀察支使朝散大夫武大理評事装 名清庶公謹當經職守稱有才能古人於 裴治除監察御史裏行桂管支使等制

五庫掌財足展幹能無惰官守可依前件 軍之衆講求倚用不五六人守臣公度仲郢所請賀等 尚有殺身以報况於知已得不勉之可依前件 知在爾賓主子不與馬暨鑲與鉤亦稱智敏神州作樣 各以文學決科愷悌干禄觀其褒舉皆是才名能報所 重矣大者教化風俗小者惠養黎衆環千里之疆館三 朝議郎行秘書省著作佐郎石賀等朕寄惟侯之事 石賀除義武軍書記崔涓除東川推官等制

勞咸加新命各守職分無忘用心可依前件 欽定四庫全書 佐物務湘覺本以文進無通吏理從周暨會皆稱幹能 動前振武軍節度判官文林郎監察御史裏行顧相等 近者循名責實科指稍峻諸侯有司亦各搜選才良以 ·以聲 韻上獻律吕精工雖曰小道亦有可觀徇請酬 趙元方除户部和雜巡官陳洙除長安縣尉王 顧相除涇原營田判官夏侯覺除鹽鐵巡官等 制 卷十

樊川集

言於仕進皆曰得路勉思報效無累所舉並可依前件 敛之任京尉坐曹决事得操豪猾交戟之内贊佐衛臣 動攝户部巡官宣德郎試秘書省校書郎無殿中侍御 史趙元方等各為長才自有知已地官平雅專豐耗發 幸承鼎除左對善大夫幸請除尚食奉御柳燕 嚴除右金吾使判官等制 景支使等制 除壽安縣今韋選除義昌軍推官錢琦除倉

一當官先勞後禄端雅守道俊秀升名久遊賢侯衆稱君 幕吏予豈無意益欲廓賓階敢言之路誠諸侯自是之 食法官憲秩以壯潘垣進於清時皆為美仕近者屢誰 王畿生齒之籍方六七十長億萬夫金臺嘉招武幄與 尊惟滄新造控制兩河付之誠臣尤藉良畫若免後患 子參東朝之贊諭分五尚之職秩紀大府羣吏之失提 殿中侍御史柱國章承鼎等持見謹潔美才周通奉公 動前度支東渭橋給納使巡官徵仕郎試大理司直無

一欽定四庫全書

爭死之士實嬰無人家之金一收七關易如拾於念爾 [慎勿茍容各修官業無自媮簿可依前件 - ススンリー・ハー 教之忠古人之言信不虚設今者願留闕下以奉朝請 念其垂齒可見至誠曳裾憲家用爾恩龍宜思終始 跨馬事敵執戎同仇壮比文為勇同李敢子之能仕父 勃新授銀青光禄大夫檢校國子祭酒無濮州長史殿 侍御史上柱國康從固其父秀榮實為名將李廣多 康從固除翼王府司馬制 1

|動中散大夫前守彭王府司馬上柱國馬迎等以爾 能仕進謹慎修身積日界時咸有知已或以序進或徇 **勃中散大夫前守青州别駕上柱國張正度等各以才** 散官勲如故 報君親可檢校國子祭酒無翼王府司馬殿中侍御史 多丘匹库全書 所請皆佐列郡無怠官常可依前件 馬迫除蜀州別駕等制 張正度除汾州別駕等制

仕歲久愈知為理半刺上 ·) 利病者也今以名郡籍其仗助各有 1.1. 無自偷 依前件 ķ 事短

				到 定库全書
				卷十六
				:
	·			

國高 王官帖以憲秩可曰祭遇無忘盡悴可檢校國子祭酒 國子祭酒前靈州大都督府左司馬殿中侍御史上 フシーニー 神策軍右廂兵馬使無押衙銀青光 以駢禁旅典兵為吾爪士言念付禄未稱輸勞外之 高駢除祭酒無法 一全書 馬使制 此川長 軎 杜牧 禄本 撰

舒定匹库全書 役不行何戰不會居常則長法知禮臨敵則致命爭發 勃忠武軍節度右都押衙銀青光禄大夫檢校太子窗 無濮王府司馬侍御史餘如故 標於和門不吞忠武爾等短衣長剑事冠乗邊觸履報 客無殿中侍御史王仲玄等自艱難已來言念許師何 無所顧慮將軍列狀憲班酬勞勿矜常 忠武軍都押衙檢校太子賓客王仲玄等加官 制

こうう こう 敷罷以酬勞瘁 >東矢林會山立星羅]異舒惟以忠勤拱我宸極錫之 依前件 龍武軍上 右龍武軍-制 拔以貔貅之勇籍於禁旅之中大刀長之 大將兵馬都知正議大夫 可依前件 八將軍劉誠信等三十 挺川集 (押衙太子實客尚漢美等叙勲 入叙階制

監察御史上柱國柳師玄等將軍護塞師玄主留郎之 職從瑜繼也以墨線狗公喪葬告滿珪專書府聚委之 勃夏州節度押衙知進奏朝議郎前權知杭州長史無 一柱國賜紫金魚袋 可依前件 任因信普力可挾斬以走敵藝能奪稍以制人常礪 銛無所迴避自拱宸極益展忠勞思以報之何惜階 柳師玄除衢州長史知夏州進奏等制 右龍武軍宿衛劉誠信等技以勇

|多定匹庫全書

官次宜遷玄與伴佐郡符亦有可取湖外錢人 主大藩留邸之事少郿專史閣錯雜之務皆公謹歲 監前無亳州長史殿中侍御史上柱國賴師負等師員 勃鳳翔府節度押衙知進奏銀青光禄大夫檢校秘書 務成有勞能遷與正名亦其常也各宜再謹勿罹悔尤 可依前件 賴師貞除懷州長史周少雕除號州司馬王 直除道州長史等制

欠己の巨八子う

樊川集

太子賓客無歙州司馬上柱國景思齊等諸侯之任各 有職貢小者得循事例大者决於朝廷間白故尊屬在 動宣武軍節度押衙知進奏起復銀青光禄大夫檢校 冠湯覆鄉縣勢如烧火益不得已遂至剪伐桂直用命 留邱爾等成以謹密能膺任使或外除喪服或超授新 爾軍旅可增義勇可依前件 舉滅之言念功勤宜有褒賞名郡上佐帖以憲秩耀 景思齊授官知宣武軍進奏制

金牙四尾石量

欠こりをきかう 言念功勤咸宜升與帖之憲秩武以崇班名郡椽曹亦 前件朱諫周豹二人委本道量事優疑官健性淌等 為美稱特加恩龍非用奏章耀爾轅門可增忠壮可依 勃湖南同團練副使馮少端等皆長沙勇士同戮免徒 本道酌事量加賞給 百二十八人弩手并子弟周賢等四百八十五人並委 不失職禄勉於忠勤可依前件 馮少端等湖南軍將授官制 樊川集

今之來者豈其人哉近以邊障隙開冠戎患結豈無萬 粉具官某等夫折衝果毅皆吾武位以延勇士國朝用 以進立戰功至將軍者衆矣自府兵一廢名存實亡 之敵奮於下位之中但使被文空增扮開並可依前 朕聞先王之理也設法誤罹雖大必捨不忌故犯縱 武官授折衝果教等制 張直方貶恩州司户制 基十七

金分四尼百章

たこうしきかう 之白晝九衢指僧萬手作横日甚而不自知滿於聽聞 售痕湔洗前過必欲牽復用存始終豈暴虐得於天牛 以生自邊陲素之教義退之散秩以懲非心俟其収抵 為執金吾鞭小過而至死作禁軍統去異縣以恣遊尚 小必誅况乎凶很不悛罪戾日積更欲矜免其如法何 **險悍著於心本抵胃刑憲縱恣 智臆法所惡者爾皆為** 銀青光禄大夫檢校刑部尚書無左驍衛大將軍御史 大夫張直方念以來朝嘉其慕善付之寵禄頗極尊榮 樊川集

宣可悉數禮曰凡有罪惡屏於四裔不留中國惟舜能 益以西北鎮戍華夏保障法苟不立所虞非細爾當弟 及員相子亦當成邊隋文之令盗邊穀一升坐法斬首 動守爱州九員縣尉員外置同正員王者漢家之制雖 之况之堅頑有不移之姿網羅無屢開之典荒服作掾 外置同正員仍即馳驛發遣 猶曰寬恩爾能自新豈惜後命可守恩州司户參軍員 王者貶端州司户制 老十七

金分四月月

とこう しょう 刺史平嗣光闕温清之禮遂奪其官放歸田里是故四 端州司戸參軍置同正員仍即馳驛發遣 占兵糧自取傭直屏之荒服以謹其類乃令厥子叫閣 勃朝散大夫守光禄少卿李玕昔開元致理之初冀州 稱冤再命坐獄備見罪狀幸以得無逋負可以矜寬為 冠犯塞之日天子拊髀之時命守關防以為遮打而乃 列郡之據曹極萬里之一尉足得循省吾不負人可守 李环貶撫州司馬制 樊川集

勃朝議郎前守景陵臺令上柱國姜関等盗逆無狀軸 所政是誰之過言於末減朕不敢議各宜佐官用正典 犯陵寢侵攘法物聞之震驚爾等官業在於守奉懈怠 寬恩可守撫州司馬員外置同正員仍即馳驛發遣 **司彈劾事狀昭著於吾用法爾當何罪俾佐名郡尚曰** 窮極富貴坐有大第官為亞卿母子異居僅將十載有 十餘年風俗忠厚教化之本豈先斯乎爾為將相之家 姜閱貶岳州司馬等制

金分四月百十十

欠己の日本thio 朕不惜失可守梧州司馬員外置同正員 捨于禁實得中道力不足者法宜於馬守臣教為吾爪 能死節以此播棄爾亦何辭然漢誅李陵是為虐典魏 爾三事大僚百司庶尹率能守此可期治平各宜盡規 動守崖州司户參雪員外置同正員武易簡冠來乗城不 刑可依前件仍並馳驛發遣 牙能與別白使易簡導生還之路朝廷無失入之刑咨 武易簡量移梧州司馬制 疑川集

禁旅視吳漢差强人意非韓信無可計事是以較自心 禮處已無私自主樞要益見誠信今者十萬全師北洛 國公食邑二千户王元宥儉而多才忠而能力事君盡 金分四月百十 腹寄兹爪牙以盡兩材出於余志爾飛斂豪猾整肅威 動繁纓巍朝交戦入侍委以兵衛固須信臣内樞客使 驃騎大將軍行右威衛大將軍知內侍省事上柱國晉 容無使鄉問致有侵害勉酬倚任以報君親可行右縣 王元宥除右神策軍該軍中尉制 卷十七

霜而不凋肝膽開忠而洞見識以自得高而益兢累監 監撫宜崇班秩鳳翔監軍使銀青光禄大夫右領軍衛 衛上將軍知內侍省事充右神策軍護軍中尉無右街 火已日東百日 勅控秦塞之西扼胡苑之左乃睠岐隴為國藩牆命以 大將軍員外置同正員上柱國汝南郡開國公食邑二 功德使散官勲封如故 产賜紫金魚袋周元植事君以敬處仕 無私節操凌 周元植除鳳翔監軍制 Ū 樊川集

監門衛大將軍知內侍 内省之崇仍無將軍之貴往服休命無恭恩祭可守右 於律身立事成功酬恩垂美在此二者汝其勉之寵以 垣夫處於兵戎予今誠汝無怨不過於遠利伏衆莫若 左神策軍中尉無左衛功德使特進左領軍衛大 詩稱鵲巢禮榮翟弟既彰爪牙之劾宜齊伉儷之榮 宋叔康妻封邑號制

金分正是人

三軍推誠一貫言念西塞未得高枕用其聲實以該潘

内侍省事上柱國廣平縣開國侯食邑一千户宋叔康 妻清河縣君居氏懿兹柔淑作配忠勲能潔頻繁克叶 姻族成此内則穆其壺風稱為令人實光婦道爰疏封 動詩美大人禮稱內子允膺腹心之任宜崇家室之祭 爵用舉典章可服罷祭勉於輔佐可封清河郡夫人 弓箭軍器等使特進行右領軍衛大將軍知內侍省事 |柱國陰山縣開國公食邑一千五百户吐突士煜妻 吐突士煜妻封邑號制 徒川东

之貴以彰輔佐之勤祭我疏封無忘内助可封雁門郡 實爾國是也自列國卿至於署及皆吾文吏之選次第 劫某臣等感恩知義奉贄不闕居大海之外為有禮之 則職勤賓祭道睦姻親既詣閨風克成婦徳爰加禮秩 咸陽縣君田氏生於富貴作配忠貞柔婉自果儀範可 爾亦所以表他國不同禮也將我恩寵耀爾殊憐 新羅王子金元弘等授太常寺少卿監及簿制

一欽定四庫全書

障相其君長頗有智謀今者交臂來朝稽額請命又组 寧等忠勇奇志慰健雄姿懷西戎之腹心作中夏之保 州放首頡干伽思俱宇合逾越密施莫賀都督宰相安 勃古者天子守在四夷益以思信不虧羈縻有禮春秋 ? うう 勿怠違永作藩屏並可依前件仍並放還蕃 **列潞子之爵西漢有隰陰之封考於經文其來尚矣西** 即高仁重爵舉以授爾用震殊隣無忘敬恭宜念終 西州回鶻授驍衛大将軍制 处川康

七關爰披地圖實得天險遂使朝廷聲聞聞於燉煌爾 降中原多故莫大之虜盗取西陲男為戎臣女為戎妾 帥議潮果能抗忠臣之丹心折昆夷之長角實融西河 不暇吊伐今將百年自朕君豈敢偷情乃命將即以 故事見於威時李陵教射之奇兵無非義旅爾等感 沙州專使衙前左廂都知押衙吳安正等自天寶以 可雲麾將軍守左騎衛大將軍外置同正員餘如故 沙州專使押衙吳安正等二十九人授官制

| 欽定匹庫全書

舉君臣父子之義教爾青襟開張法門顯白三道遂 依前件 **敖燉煌管內釋門都監察僧正無州學博士** 豈本爵位官我武衛仍峻階級以慰皇華用震殊俗 能竭盡肝膽素 欠己の目という 西土利根事佛餘力通儒悟執迷塵俗之身譬喻大宅 八潘久陷戎壘氣俗自異果產名僧彼上人者生 燉煌郡僧正慧乾除臨壇大徳制 事長即將其誠命經歷難危言念忠勞 樊川集 僧慧荣燉

徳餘如故 宣獲無祭之 恩龍永保封疆可依前件仍並放還著 峻領生徒坐於學校貴服色舉以臨壇若非出羣之 在四夷爾今來朝子亦增愧綏之玉帛榮以班秩宜 悍戾者好空惡殺義勇者徇國忘家裡助至多品地宜 金万四周至書 **幽州道入朝賀正契丹大首領討魯等天子** 契丹賀正使大首領等授官制 授勉弘两教用化新邦可充京城臨壇大 有道守

禮歸貢不闕玉帛以將厚意階級 西南諸國自古多順在法度之外居絕墨之表來朝有 欠に可見らせる 黔中道朝賀牂牁大酋長攝力 一恭敬可依前件仍 語 至 黔中道朝賀牂牁大酋 姚川集 並放還酱 八官制 <u>+</u>

		 	 	 	-
樊川集卷十七					金分でなる言
	-				老十七

. . . .